

Երեւանի քաղաքային խորհրդում

Յունիսի 11ին Երեւանի
ֆաղաֆային խորհուրդը վե-
րըսկսեց իր աշխատանքը:
Նիստին չէր մասնակցում
խորհրդի նախագահ Համ-
բարձում Գալստեանը:

Նստաշրջանը շարու-
նակեց համալրել խորհրդի
մշտական յանձնաժողով-
ների կազմը, ուր ամիս-
ներից ի վեր թափուր բազ-
մաթիւ տեղեր էին մնացել:

Քննարկումից յետոյ գրե-
թէ ամբողջացուեցին տնտե-
սական ֆաղաֆականութեան,
օրինականութեան, իրաւա-
կարգի եւ մարդու իրա-
ւունքների պաշտպանու-
թեան յանձնաժողովները:
Յանձնաժողովների համա-
լրմանը զուգահեռ առա-
ջադրուեցին նաեւ դրանց
նախագահների թեկնածու-
թիւններ: Քննարկուեց ֆա-
ղաֆային խորհրդի ֆարտու-
ղար ունենալու հարցը, սա-
կայն անհրաժեշտ ձայներ
չապահովելու պատճառով
հարցի վերջնական լուծումը
յետաձգուեց:

Այնուհետեւ տեղեկաց-
ւեց, որ Երեւանի խորհրդի
մի խումբ պատգամաւորներ
վերջերս եղել են Ուկրաին-
այի մայրաքաղաք Կիե-
ւում, ուր հանդիպումներ են
ունեցել Կիեւի ֆաղաֆային
խորհրդում: Նրանք տեղե-
կացրեցին, որ տեղի են ու-
նեցել մամուլի ասուլիսներ,
ցուցադրուել են Հայաս-
տանի, Արցախի, Գետաշէնի
եւ Մարտունաշէնի վերջին
իրադարձութիւնների մասին
պատմող տեսաժապաւէն-
ներ: Մեր պատգամաւոր-
ները ելոյթ են ունեցել Կիե-
ւի ֆաղաֆային խորհրդում
եւ ներկայացրել են Հայաս-
տանի դիրքորոշումը, պատ-
գամաւորներին տեղեկացրել
են Կենտրոնի եւ Ադրբեջանի
հակահայ գործողութիւննե-
րին: Այնուհետեւ ընթերց-
ւեց Կիեւի ֆաղաֆային խոր-
հրդի որոշումը, ուր հին սո-
վորութեան համաձայն նո-
րից հաւասարութեան մէկ
գծի վրայ էին դրուած Հա-
յաստանը եւ Ադրբեջանը:
Այս պատճառով դիմումը
լաւ ընդունելութիւն չգտաւ:
Տեղեկացուեց նաեւ, որ
խորհրդի ժողովրդավարա-
կան թելը դժգոհ լինելով
այդ որոշումից, ընդունել է
առանձին յայտարարութիւն:

Պատգամաւորներից մէ-
կը առաջարկեց հրաւիրել
խորհրդի նախագահի տե-
ղակալներին եւ լսել զեկու-
ցումներ ֆաղաֆում տիրող
իրավիճակի մասին: Այս ա-
ռաջարկը ընդունուեց պատ-
գամաւորների մեծամաս-
նութեան կողմից: